

ВСРП-н VII хург

Ноябрин 30-д Будапештд, тосхачирин культуриин Бээшиггин герт Венгрин кōдлмшчирин социалистическ партин VII хург кōдлмшн эклв.

Эн хургт Венгрин кōдлмшчирин социалистическ партин Центральн Комитетин тооцана туск, экономическ тōрмүдин болн оln амтнā эдлэхун хойрдгч тави джила зура белдхин туск зааврар. ВСРП-н Уставд сольвр оруулгьна туск тōрār, нашь чиги тōрār күүндвр кегдхн.

ВСРП-н Центральн Комитетин тооцана докладиг ВСРП-н ЦК-н негдгч сеглāтр Янош Кадар кев.

Хургт Советск Союзин Коммунистическ партин делегац КПСС-н Центральн Комитетин Президиумин член. КПСС-н ЦК-н негдгч сеглāтр Н. С. Хрущев толгьачта, нашь чиги ах-дү коммунистическ болн кōдлмшчирин партисин делегац орлцджана.

ВСРП-н VII хургин асхи заседаньд, «Экономическ тōрмүдин болн оln амтнā эдлэхун хойрдгч тави джилā зура белдхин туск зааврар» ВСРП-н ЦК-н Политбюрон член болн ЦК-н сеглāтр Йене Фок доклад кев.

Декабрин 1 шинд ВСРП-н VII хург кōдлмшн цааранднь кев. ВСРП-н ЦК-н негдгч сеглāтр Янош Кадарин кесн тооцана докладар болн ВСРП-н ЦК-н Политбюрон член, ЦК-н сеглāтр Йене Фокин докладмудар күүндвр болв.

Күүндвр эклхās түрүлдж, хургт ахлалцдах Карой Кшиш Советск Союзин Коммунистическ партин делегацн гардач — КПСС-н ЦК-н негдгч сеглāтр үр Н. С. Хрущевд үг өгв.

Үр Н. С. Хрущев трибун дээр гарч ирлгьнг хургин делегатир шуугдн удан алы ташлгьар тосв.

Күс-дундур час шахуд келсн үр Н. С. Хрущевин үгиг хургин делегатир болн гиччир ик гидгār оньган өгч соньсад. кесг даждж алы ташлгьар зөгсэджав.

Үгиннь сүүлār Н. С. Хрущев КПСС-н Центральн Комитет, ВСРП-н VII хургт илгāsн йорāl умшдж өгв.

Йорāлин үг төгсөлгьнлā, залд бāах улс цуггār удан шуугдж алы ташв. Цуггār босцхав. Никита Сергеевич Хрущев трибунас бууггьад, эврāннь ормур одхларн, Янош Кадариг иньгигч кевār теврв, эн самла алы ташлгьн даки ниргв.

Ахр завсрин хōбн Янош Кадарин тооцана докладар болн Йене Фокин докладар күүндвр эклв.

Өрүн заседаньд, ВСРП-н ЦК-н Политбюрон член, ВНР-ин правительствин ахлач Ференц Мюнних, государственн болн экономическ гардварн эркн тōрмүдин тускар келв.

Правительств бүрдснās нааран кесн энүнā үүлдвриг ашлдж оратор күүсн дилврмүдиг шинджлād хālāхд, правительствин кōдлмш чик хаалгьар кегддж йовна гидж темдглв.

Партин политик күцālгьār зөгсэдж ах тōрмүдиг правительств сāанār күцāджанā.

Государственн йосна бāārн газрин органс — Советмүдин нилчин болн чинрин тускар Ференц Мюнних зōвār икār келв.

Ференц Мюннихин үгин хōбн завср зарлгдв.